

Regio.
Unde dicta.

Zelandia nihil aliud sonat quam terram ac solum maritimum, a terra ac mari conflatum nomen. Mari enim undique cingitur. Hanc veteribus non fuisse incognitam ex Tacito colligit Lemnius, non hoc quo nunc innotescit nomine, sed ex usu ac vulgata alloquendi consuetudine ac compellatione, nempe *Maet*, qua populares & indigenæ inter se sunt usi. *Mattiatorum* enim illos nomine designat, cum inquit: *Est in eodem obsequio Mattiatorum gens Batavis similis, nisi quod ipso terra sua solo ac celo acris animantur.*

Situs.

Aëris qualitas.

Soli fertilitas.

Animalium varietas.

Imperium maiorum.

Zelandiæ nomen accepit a Danis & Nortmannis, qui ex illa Insula Cimbrica quæ in Dania Zelandiæ nomine inscripta est, profecti ad novas terras quærendas, quum gravi Indigenarum multitudine laborarent, Britannię ac Galliæ oras invaserunt, ac VValachriam vicinasque Insulas a patrio solo Zelandiam vocaverunt. Harum Insularum situs est inter Mosæ & Scaldis fluminum ostia, a Septentrione Hollandiam, ab Oriente Brabantiam, versus Meridiem Flandriam vicinas habent regiones, ab Occidente mare Germanicum respiciunt. Aëris clementia destituitur Zelandia, qui in nonnullis partibus paullo asperior est, & quam vicinarum gentium minus salubris, præsertim æstate ob paludum & stagnorum graves halitus, & quod regio arboribus minus consita. Hoc tamen habet commodi, quod contagioni ac pestiferis morbis minus sit obnoxius ac serius inficiatur: at infectus immaniter in hominum corpora grassatur, nec facile conquiescit. Magna vero hic soli ubertas, pingues ac glutinosæ glebæ, feraces, ac fecundi agri Triticum quo nusquam gentium candidius aut magis ponderosum, aliisque frugibus: Coriandro item & Rubia vulgo *Meedecrappe* nominata, adornandis pannis, ne color deflorescat, eumque intime concipiant necessaria: ut insignes atque inimensum fastigiatas Lauros perpolitis maturitate baccis onustas: ut efficaces & salubres Herbas, cum medendis morbis, tum esui accommodas fileam. Vberrima etiam hic saginando pecori pascua, non solum intra expositos aggeres ac ambitus, sed etiam extra littora, in ipsa Oceani crepidine, in quibus oberrant Percudum aliquot myriades maximo negotiatorum emolumento, quæstuque uberrimo, non solum supra vulgarem magnitudinem, sed saporis etiam delicati atque exquisiti, soli ac graminum beneficio, quod saluberrimum iis pabulum suppeditat, adeo ut exteri quoque summopere iis delectentur. Anno autem Domini 1000 imperante Carolo Calvo apud Batavos illisque affines Zelandos, principatus primum constitui coepit, ac Comitatus nomine designari, primusque Comitis nomine inauguratus Theodoricus Filius Sigisberti Principis Aquitanie, qui annos octo & triginta in eo dominari versatus, successorem Theodoricum secundum herilem Filium constituit, a quo ad nostra usque tempora hæc Regia potestas longa heroum serie ad Hispaniarum regem Philippum devoluta Comitatus nomine censetur. Insulæ Zelandicæ numero septem sunt, tres ultra Scaldis ostia, Bataviam & Orientem versus quæ propterea dicuntur Orientales, *Scaldia*, *Duvelandia*, & *Tolen*. Quatuor cis Scaldim, Occidentem versus, *Walachria*, *Zuytbevelandia*, *Northbevelandia*, & *Wolferdyck*.
Omnium